



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

P. Sanctae Mariae In Via Lata Diacono Cardinali, apostolicae sedis Legato,
& Episcopo Parisien.

urn:nbn:de:hbz:466:1-20006

drea de Autuliolo, cum tertia parte decimæ, & pensione duorum sol. Eleemosynam de insula quæ dicitur Guernere, quartam partem oblationum de feria, & de festo sancti Christophori de Roilli. Decimam de Heudiervilla & de Sessevilla in feudo Autulij. Decimam de Boëleio in feudo Roberti filij Vvl. Decimam de Mesnilla in feudo Hugonis de Lace, & decimam de Buison in feudo Hug. Bigot. Quartam partem decimæ de Autulio. Decimam de feudo Almarici Doessel apud Vvatevillam. Totam decimam Essarorum de Loviers de feudo Galerani Comitit Melloten. Ex dono Galerani Comitit, centum solidos sterlingorum annuatim reddendos in Dorferta apud Scellentonam, & decimam denariorum suorum de Cruce. Ex dono Vvllielmi Alliacen. medietatem Escardenvillæ in eleemosynam. Decimam quam habetis in feudo Galterij Arou de Anesus cum aliis decimis. Possessiones præterea, terras, vineas, nemora, prata, molendina, furnos, aquas, piscarias, redditus, & alia quæ superius expressa sunt, & quæ à quadraginta annis usque ad hæc tempora justè & sine controversia tenuistis, & nunc pacificè possidetis. Sanè novalium &c. Liceat quoque vobis &c. Prohibemus insuper ut nulli fratrum &c. In parochialibus verò Ecclesiis &c. Libertates etiam &c. Immunitates à Rothomagen. Archiepiscopis, Ebroicen. & aliis Episcopis vobis pia devotione indultas, & usque ad hæc tempora sine controversia conservatas, ratas habemus, & auctoritate apostolica confirmamus. Cum autem generale interdictum &c. Sepulturam præterea &c. Obeunte verò te &c. Decernimus ergo &c. Salva sedis apostolicæ auctoritate, & diocesani Episcopi canonica iustitia. Si qua igitur &c. Datum Laterani per manum Rainaldi Domini Papæ Notarij, Acherontin. electi, Cancellarij vicem agentis, XIII. Kal. Iulij, Indiæ. secunda, incarnationis dominicæ anno MCXCIX. pont. verò Domini Innocentij Papæ tertij anno secundo.

*P. SANCTÆ MARIE IN VIA
Lata Diacono Cardinali, apostolicæ sedis
Legato, & Episcopo Parisien.*

*Epist. 99.
Vt Nivernensis
Abbas hæreticus
& depositus*

QUod legimus in Apocalypsi prædictum, ecce nunc videmus impletum, quia de fumo putei abyssi exie-

runt locustæ similes equis paratis in prælium, facies quidem habentes humanas, sed caudas similes scorpionum, & aculei sunt in caudis earum. Hi sunt hæretici, qui de puteo confusionis egressi, non ut ipsi confusionem evadant, sed ut alios in confusionem inducant, faciem præterdunt humanam, ut seducant incautos, quibus tandem in similitudinem scorpionum damnationis infligunt aculeum, dum eis juxta scripturam sententiam fel draconis in aureo calice Babylonis propinant. In tantum autem jam eorum excrevit audacia, ut velut equi parentur ad prælium, cum in aperto suæ falsitatis doctrinam disseminare præsumant: contra quos nisi gladius exeratur ecclesiasticæ disciplinæ, ut jam non solum capiantur sed exterminentur vulpeculæ quæ vineam Domini demoliri moluntur, verendum existit, ne, quoniam error eorum serpit ut cancer, pars etiam sincera trahatur. Nuper enim, sicut ex tonore literarum venerabilis fratris nostri Senonen. Archiepiscopi & relatione dilectorum filiorum R. & B. nuntiorum ejus nobis innotuit, multa de hæreticis & eorum sectis in partibus Gallicanis, quæ ab hujusmodi hæce prorsus olim intactæ manere solebant, increbrescente jam vehementer infamia, cum idem Archiepiscopus ad villam quæ Charitas appellatur, in qua plurimi dicebantur professores hæreseos delitescere, rogatus à venerabili fratre nostro Antifiodoren. Episcopo, in cujus diocesi prædicta villa consistit, accessisset perscrutaturus diligentius veritatem, Clero & populo convocatis, post diligentem indagacionem, præter alios quamplures qui erant ibi de hæresi publicè infamati, Rainaldum quondam Abbatem S. Martini Nivernen. comperit hujusmodi contagione respersum, & publica super hoc infamia laborantem. Et quoniam in eo plurimum scandalizabatur & populus & Clerus, de consilio prædicti Antifiodorensis, Meldensis, & Nivernensis Episcoporum, qui aderant, & plurium prudentum virorum, eum officio beneficioque suspendit, diem apud Antifiodorum illi præfigens, ubi coram eo fortè, si posset, se de tanto crimine tueretur. Cumque die præfixa suam coram eodem Archiepiscopo exhibuisset præsentiam, assistentibus prædictis Antifiodoren. & Nivernen. Episcopis, multisque aliis viris dis-

*rus, carceribus
monasterij in-
cludatur.*

*Vide supra
epist. 66.*

cretis, & Prior Ecclesiæ S. Martini de hæresi, adulterio, & usura, & quibusdam aliis eum intenderet & paratus esset protinus accusare, ante litis ingressum, licet nullum inferretur ipsi gravamen, sedem apostolicam appellavit: cuius appellationem frustratoriam quoniam propter infamiam & publicam notam criminis dictus Archiepiscopus non admisit, & præfatus Prior paratus fuit in continenti objecta probare, spontaneus causam subiit, & objecta crimina penitus denegavit. Prior autem confestim quosdam ex Canonicis suis testes produxit: qui cum à præfato Archiepiscopo recepti canonicè ac diligenter examinati fuissent, & attestacionibus, prout debuit fieri, publicatis, ipsi etiam R. postulanti copiam earum sufficienter exhibitis, ei dies esset apud Senon. assignata, ut in Concilio suffraganeorum exciperet, si vellet, contra testes & eorum dicta, & suæ defensionis proponeret rationes, die præfixa & loco etiam assignato suis liberè ac plenariè propositis rationibus, interrogatus pluries si pro se vellet aliquid aliud allegare, probationibus & allegacionibus omnino renuntians, sententiam postulavit, & postmodum sæpedito Archiepiscopo pariter cum venerabilibus fratribus nostris Trecenti, Antisiodorensi, & Nivernensi Episcopis aliisque prudentibus viris secretæ deliberationis tractatum habente, Advocatus prædicti R. sine illo ad Concilium eorum intravit, & proposuit ipsam appellationem, quam ante litis ingressum interposuerat, ratam habere, & eam iterum innovare. Cumque postmodum ad ferendam sententiam exeuntes comperissent pro certo eum clanculò recessisse, dictus Advocatus ejus, sicut fecerat in secreto, appellationem denuo publicè innovavit. Vnde memoratus Archiepiscopus, quamvis non fuisset appellationi hujusmodi deferendum, noluit eum de hæresi condemnare. Pro adulterio tamen & aliis quæ in damnationem ejus erant manifestius divulgata, & quoniam propter infamiam hæresis & scandalum, quod in populo fuerat inde subortum, nullatenus etiam ad tempus in administratione abbatiæ sine omnimoda desolatione monasterij poterat tolerari, de communi consilio cœpiscoporum & aliorum prudentum qui aderant, ipsum in perpetuum per sententiam diffinitj-

vam officio privavit Abbatis, & Canonici sancti Martini de licentia ejus quendam alium elegerunt. Ceterum idem Archiepiscopus attestaciones contra eum receptas nobis transmisit redactas in scriptis, ex quibus duo gravia factis probata esse videntur, videlicet, eum seridè & assertivè dixisse disputando, & defendèdo hæreticorum errorem, quòd Corpus Domini mittitur in secessum, & juxta verbum Origenis omnes tandem fore salvandos. Allegaciones autem & rationes prædicti R. (de quibus sæpeditus Archiepiscopus in suis litteris fecerat mentionem) nobis per literas vel per nuntios exponere non curavit. Propter quod diutiùs expectavimus, si fortè alij nuntij super hoc instructi plenius advenirent. Quoniam igitur causam transmisit ad nos minùs sufficienter instructam, & ex hoc nobis scrupulus non modicæ dubitationis emerit, maximè cum sit plena maturitate in tam arduo negotio procedendum, discretioni vestræ per apostolica scripta mandamus quatenus Deum habentes præ oculis, & catholicæ fidei veritatem tam attestacionibus quæ contra prædictum R. nobis transmissæ fuerunt, quas vobis sub bulla nostra transmittimus, quam etiam allegacionibus & rationibus sæpediti R. quas coram præfato Archiepiscopo proposuisse proponitur, attentè ac diligenter inspectis, publica quoque fama nihilominus inquisita, nisi ex eis aliquid perpendere poteritis quod à ferenda condemnacionis sententia contra eum meritò animum vestrum debeat retardare, sublato cujuslibet contradictionis & appellationis obstaculo, ut in eo puniatur in quo peccavit, ipsum à sacerdotali officio deponatis. Et quoniam metuendum est ne in laqueum desperationis incidens, & ad perfidorum hæreticorum infidelitatem ex toto conversus, eorum prævaricationibus contamine gregem intactum, retrudi eum in districto monasterio faciat, & ibi ad agendam pœnitentiam sub arcta custodia detineri, attentius provisuri, ut ita mandatum apostolicum exequamini, quòd devotionem vestram debeamus meritò commendare. Nullis litteris &c. harum tenore tacito &c. Quòd si ambo &c. alter &c. Tu verò fili Card. diligens studium & operam efficacem impendas, sicut de tua discretionem confidimus, ut per diligentiam & sollicitudi-

nem tuam, ascitis tecum quos noveris necessarios, hæretica pravitas extirpetur, & hæretici cum suis falsis dogmatibus confundantur. Quod ut melius & plenius possis efficere, plenam tibi super hoc app. remota concedimus potestatem. Datum Laterani XIII. Kal. Julij.

ABBATI SANCTÆ Mariæ de Canneto, ejusque fratribus tam presentibus quam futuris regularem vitam professis in perpetuum.

*Epist. 100.
De confirmatione privilegiorum.*

Pri postulatio voluntatis &c. usque ad verbum ordo monasticus qui secundum Deum & beati Benedicti regulam in eodem monasterio institutus esse dignoscitur &c. usque ad verbum vocabulis. Locum ipsum in quo præfatum monasterium situm est, cum omnibus pertinentiis suis. Ecclesiam sancti Andrea Apostoli in insula quæ vocatur Minerva, cum tota insula. Ecclesiam sancti Bartholomæi quæ est in civitate Polan. cum redditibus suis. Ecclesiam sancti Laurentij de Camponoso, cum campis, vineis, pascuis, pratis, montibus, vallibus, aquariis, & omnibus ad eam pertinentibus. Ecclesiam sanctæ Mariæ Bauran. cum omnibus possessionibus suis, & Ecclesiam sancti Blasij Savinian. cum omnibus pertinentiis & possessionibus suis. Ecclesiam sancti Pauli, & locum Barcilian. cum montibus, vallibus, habitationibus, pascuis, aquariis, sylvis, arboribus fructiferis & infructiferis, piscariis, atque ripis ad eundem locum pertinentibus, & Piscariam de Muccla de mezo, locum Valbendonij cum habitationibus, terris cultis & incultis, arboribus, olivis, pratis, & omnibus pertinentiis suis. Piscariam portus Valbendonij. Locum Florian. cum olivis, terris cultis & incultis, habitationibus, domibus, curtibus, & omnibus pertinentiis suis. Sancti Georgij & sancti Nicolai Ecclesias, cum omnibus pertinentiis & possessionibus. Locum Philippiani, cum mansibus, curtibus, pascuis, terris, aquariis, sylvis, campo de puteo, terris Carsæ planæ & Cisterneolæ. Fundum Volasij, cum molendino. Ecclesiam sancti Laurentij, cum tota valle, turri, curia, gurgo, & omnibus pertinentiis suis. Ecclesiam sancti Leonardi, cum horto majori, & curia quæ est ante portam monasterij, cum omni circuitu suo. Terram de Ducende, & terram de Bagnole, cum omnibus pertinen-

tiis suis. Sanènovalium &c. Liceat quoque vobis &c. Prohibemus insuper &c. Cum autem generale interdictum &c. Libertates præterea &c. Sepulturam quoque &c. Obeunte verò te &c. Decernimus ergo &c. Salva sedis ap. auctoritate, & diocesani Episcopi canonica justitia. Si qua verò &c. Datum Laterani per manum Rainaldi Acheruntini Archiepiscopi, Cancellarij vicem agentis, XI. Kal. Junij, Indictione II. incarnationis dominicæ anno MCXCIX. pontificatus verò Domini Innocentij Papæ III. anno secundo.

GOSTADIGIN. FVNDATRICE & fratribus ac sororibus Ecclesie beatæ Mariæ de Rocca majori sitæ in loco qui dicitur Putens de Chartariis.

CVM à nobis petitur &c. usque ad verbum assensu, Ecclesiam ipsam, & pertonas ibidem divinis obsequiis mancipatas, cum omnibus bonis quæ in præfentiarum eadem Ecclesia rationabiliter possidet, aut in futurum justis modis præstante Domino poterit adipisci, sub beati Petri & nostra protectione suscipimus, & præsentis scripti pagina communimus. Ad indicium autem perceptæ hujus à sede apost. protectionis, unam libram ceræ nobis nostrisque successoribus annis singulis persolveretis. Nulli ergo &c. Datum Lat. Kal. Julij.

*Epist. 101.
De confirmatione privilegiorum.*

ROMANO ARCHIPRESBYTERO & Clericis sanctorum martyrum Sergij & Bacchi, tam presentibus quam futuris in perpetuum.

Licet omnium Ecclesiarum sit nobis cura & sollicitudo commissa, illis tamen quæ in Vrbe consistunt tanto sollicitius nos convenit providere & earum jura illibata servare, quanto amplius ad jurisdictionem nostram noscuntur specialius pertinere. Eapropter, dilecti &c. usque ad verbum annuimus, & præfatam Ecclesiam beatorum martyrum Sergij & Bacchi, in qua divino &c. usque ad verbum vocabulis. Medietatem arcus triumphalis, qui totus in tribus arcibus constat, de quo unus de minoribus arcibus propinquior est vestræ Ecclesie, supra quem una ex turribus ædificata esse videtur, & medietatem de arcu majori qui est in medio, cum caminatis juxta minorem arcum, cum introitibus & exitibus suis & aliis omnibus suis pertinen-

*Epist. 101.
De confirmatione privilegiorum.*